

ВЫНСЬӦДӦМА

Коми Республикаса Веськӧдлан котырлӧн
2020 во лӧддза-номъя тӧлысь 15 лунся 304 №-а шуӧмӧн
(20 №-а содтӧд)

“Сускаель-Лӧкчимса” республика тӧдчанлуна
канму вӧр-ва заказник йылысь

ПОЛОЖЕНИЕ

1. Панас

“Сускаель-Лӧкчимса” республика тӧдчанлуна канму вӧр-ва заказник (водзӧ – заказник) артмӧдӧма “Кӧрткерӧсса леспромхозлӧн Позтыкерӧсса лесничествоян сус пуа-козья сораса вӧръяслысь массив заказникӧн индӧм йылысь” Коми АССР-са Министръяс Сӧветлӧн 1964 во рака тӧлысь 27 лунся 127 №-а шуӧмӧн.

Заказник лӧӧ республика тӧдчанлуна торйӧн ёна видзан вӧр-ва мутасӧн (водзӧ – ООПТ) да сылӧн эм биологическӧй (ботаническӧй) нырвизь.

ООПТ-лӧн тыр ним: “Сускаель-Лӧкчимса” республика тӧдчанлуна канму вӧр-ва заказник.

ООПТ-лӧн дженьыд ним: “Сускаель-Лӧкчимса” заказник.

Заказниксӧ артмӧдӧма вына кадколаст урчиттӧг да заказниклӧн мудорьясын меститчысь му участокьяссӧ вӧдитчысьяслысь, кутысьяслысь да кийн кутысьяслысь босьттӧг.

Заказник котыртан да сійӧс удждан юкӧнын канмусянь веськӧдлӧмыс, заказник видзан да сыӧн вӧдитчан юкӧнын канму дӧзьӧрыс збыльмӧдсӧ Коми Республикаса Веськӧдлан котырӧн уполномочитӧм Коми Республикаса олӧмӧ пӧртысь власьт органӧн да (либӧ) сылӧн ведомствоувса канму учреждениеӧн, кодлы сетӧма лӧсялана уджмогьяссӧ (водзӧ – заказникӧн веськӧдлысь орган).

2. Заказник артмөдан медшөр могъяс да сылөн могъяс

2.1. Заказниксө артмөдөма сы могысь, медым видзны сибирса пожөмлысь (*Pinus sibirica*) гырысь діөн меститчанін.

2.2. Заказниклөн шөр могъяс:

видзны шоча паныдасылысь быдмөг сикас быдманінсө;

видзны вөр-ва комплексъасын ывлавывса процессъяс туялөм вылө условиеяссө да видзөдны налөн серпас вежсьөм бөрся.

3. Заказниклөн меститчанін да площадь

3.1. Заказник меститчө “Көрткерөс” муниципальнөй районса муниципальнөй юкөнлөн мутасын Сөбин посёлоксянь 14 км асыввывлань, Көрткерөсса лесничестволөн Лөкчимдінса участковөй лесничестволөн 144-147, 181-184 кварталъяслөн мудоръясын.

Заказник меститчанінлысь карта-схемасө вайөдөма тайө Положение дорө 1 содтөдын*.

3.2. Заказник мутаслөн площадьыс лөб 1910 га.

* Оз йөзөдсы.

4. Заказниклөн мудоръяс

4.1. Заказниклөн мудорыс мунө Көрткерөсса лесничестволөн Лөкчимдінса участковөй лесничестволөн 144 кварталлөн рытив-войвыв помсянь 144-147 кварталъяслөн войвыв мудоръясті, 147, 184 кварталъяслөн асыввыв мудоръясті, 184-181 кварталъяслөн лунвыв мудоръясті, 181, 144 кварталъяслөн рытиввыв мудоръясті петан чутөдз.

4.2. Заказниклысь мудоръяссө петкөдлөма карта-схема вылын тайө Положение дорө 2 содтөдын*.

* Оз йӧзӧдссы.

5. Заказниклӧн мудорьясын меститчысь видзан вӧр-ва комплексъяс да налӧн компонентъяс

Заказниклӧн видзан вӧр-ва комплекссӧ артмӧдӧ нэмӧвӧйся козьяиньяслӧн массив. Заказниклӧн быдмӧгьяса му веркӧсын помся ыджыдалӧны веж нитш да кӧкшабді сикаса вывті воӧм козьяиньяс.

Сибирса пожӧм, кутшӧмӧс пыртӧма Коми Республикаса гӧрд небӧгӧ (2019), паныдасьӧ козьяиньясын. Сибирса пожӧмлӧн популяцияыс ыламмӧма шӧр ареаллӧн мудорсянь 140 км вылӧ. Заказник артмӧдан кад кежлӧ пуяслӧн арлыдыс вӧлі 140-220 во, налӧн пучӧрьяслӧн джудждаыс – 16-22 м, шӧркодь диаметрыс – 40 см. 236 га площадья участокын вӧр артмӧдысь пуяс лыдын сійӧ вермӧ лоны ӧтка пуяссиянь 30 %-ӧдз.

6. Заказник торйӧн ёна видзан режим

6.1. Заказниклӧн мутасын оз позь вӧчны овмӧс нуӧдан да мукӧд удж, мый вӧсна вермас торксыны экосистемаяслӧн дзоньлуныс, сы лыдын:

- 1) капитальнӧя стрӧитан объектъяс стрӧитӧм;
- 2) линейнӧй объектъяс стрӧитӧм, тайӧ Положениелӧн 6.2 пунктын индӧм случайяс кындзи;
- 3) вӧр пуктасьяс кералӧм, санитарно-оздоровительнӧй мероприятиеяс, пӧжарысь видзчысьӧмсӧ могмӧдан мероприятиеяс нуӧдигӧн кералӧмьяс, кварталнӧй прӧсекаяс, визирьяс кералӧм, весалӧм, туйяс, кутшӧмьяс эмӧсь, видзӧм могысь кералӧмьяс, а сідзжӧ вӧчны позяна удж сикасьяскӧд йитчӧм мукӧд кералӧм кындзи;
- 4) вӧр бурмӧдӧм вӧр культураяс лӧсьӧдӧмӧн, вӧр участокьясын, кӧні вӧр пуктасьясыс кулӧмаӧсь либӧ тшыкӧмаӧсь пӧжарьяс, лӧк организмьяслӧн тӧдчӧм вӧсна, а сідзжӧ вӧр участокьясын вӧр бурмӧдӧм

кындзи, көні санитарной мөгъясын нуөдісны өтпомся кералөмъяс;

5) абу пуа вөр ресурсъяс, вөрса сёян-юан да бурдөдан быдмөгъяс заптөм да чукөртөм, индөм ресурсъяссө да быдмөгъяссө гражданаөн асланыс мөгъяс вылө заптөм да чукөртөм кындзи;

6) древесина да живица заптөм;

7) геологической, ботанической, зоологической да мукөд коллекция чукөртөм, наука-туялан мөгъяс вылө найөс чукөртөм кындзи заказникөн веськөдлысь органкөд сөгласуйтөмөн;

8) прөмыслөвөя кыйсьөм да промышленноя чери кыйөм;

9) туйясысь, кутшөмъяс эмөсь, да торйөн индөм местаясысь бокин механизируйтөм транспортлөн ветлөм да сулалөм (заказник видзөм серти мероприятиеяс, а сідзжө вөр-ва комплексъяс да объектъяс видзөм да бөр лөсьөдөм серти мероприятиеяс нуөдөмкөд йитчөм случайяс кындзи), механической транспорт средствояс кындзи, кодъяс ветлөдлөны да сулалөны төвнас, кор усьөма лым сэк, кор оз лэдзны му эжөд, быдмөгъяс да вөр пуктасъяс жугөдөмсө;

10) туясян (корсысян, геофизической, геологоразведочной) уджъяс, мувывса механизируйтөм средствоясөн вөдитчөмкөд да му эжөд да быдмөгъяс тшыкөдөмкөд абу йитчөм уджъяс кындзи;

11) мупытшса озырлун корсьөм да перйөм;

12) заказниклысь мутас ёгөсьтөм да нйитчөдөм, а сідзжө производство да потребление шыбласъяс меститөм (видзөм да гуалөм), ортсө лэдзан ва нуөдөм;

13) химия препаратъяс да мувердас видзөм да наөн вөдитчөм;

14) му эжөд да быдмөгъяс тшыкөдөм, вөчны позяна удж сикасъяс збыльмөдөм кындзи;

15) аншлагъяс, шлагбаумъяс, стендъяс, мудор петкөдлысь сюръяс, мукөд юөртан пас да индалысь, экологической ордымъясса да шойччан местаясса оборудование бырөдөм да торкөм, пуяс вылын гижалөм да пасъяс вөчөм.

6.2. Заказниклөн мутасын позьө:

1) нуодны наука-туялан, эколого-просветительскöй да туристическöй уджъяс заказникöн веськöдлысь органкöд сöгласуйтöмөн;

2) кыйсьыны любительскöя да спортивнöя оланпастэчасöн урчитöм пöрадокын;

3) кыйны любительскöя да спортивнöя чери оланпастэчасöн урчитöм пöрадокын;

4) котыртны да нуодны вөр овмöс, нуодны вөръясын пöжарысь да санитарнöй боксянь видзчысьöмсö могмöдан мероприятиеяс вөр йитöдъяс ладмöдан юкöнын оланпастэчасöн урчитöм пöрадокын тайö Положениелöн 6.1 пунктса корöмъяс тöд вылö босьтöмөн;

5) стрöитны, выльмöдны, уджöдны линейнöй объектъяс сэк, кор найöс меститны мöд позянлуныс абу, а сідзжö заказник уджöдöмсö могмöдöм могысь, заказникöн веськöдлан органкöд сöгласуйтöмөн;

6) капитальнöя дзоньтавны линейнöй объектъяс заказникöн веськöдлысь органкöд сöгласуйтöмөн;

7) стрöитны абу капитальнöй стрöйбаяс да сооружениеяс, кутшöмъяс йитчöмаöсь вöчны позяна удж сикасьяс збыльмöдöмкöд;

8) нуодны овмöс да мукöд уджлысь мöд сикасьяс, мыйясысь абу öлöдöма вөр-ваöн вöдитчан да гөгöртас видзан юкöнын оланпастэчасöн да тайö Положениеöн, оланпастэчасöн урчитöм пöрадокын.

7. Бöртас

7.1. Заказниксö, сы лыдын сылөн мутасын меститчöм вөр-ва комплексъяссö да налысь компонентъяссö, видзöны вөр-ваöн вöдитчан да гөгöртас видзан юкöнын оланпастэчас серти.

7.2. Заказниклöн вөр-ва комплексъяслы да налөн компонентъяслы лектор вöчан грöз артмöм дырйи сылөн мутасын вöчны позяна удж сикасьяссö дзескöдöны, недыр кад кежлö дугöдöны либö дугöдöны оланпастэчасöн урчитöм пöрадокын.

7.3. Заказниклысь мутассö места вылын индöны öлöдан да юöртан пасьяс сувтöдöмөн, а сідзжö торйöдöны тематическöй картография материальяс вылын.

7.4. Заказниклөн вөр-ва комплексьяслы либö налөн компонентьяслы вöчöм лекторсö колö вештыны Россия Федерацияса оланпастэчас серти.

7.5. Йöзöс, кодьяс мыжабсь заказник торйөн ёна видзан урчитöм режим торкöмын, кыскöны кывкутöмö Россия Федерацияса оланпастэчас серти.

7.6. Заказник торйөн ёна видзан урчитöм режимлөн уджалöм да сійöс могмöдöм серти мероприятиеяс збыльмöдсьöны Коми Республикаса республиканскöй сьöмкуд сьöм да оланпастэчасөн абу öлöдöм мукöд öшмöс тшöт весьтö.

Пасйöд. Меститчанінсö да мудорьяссö опишитöма Кöрткерöсса лесничестволысь 1992 вося вөр овмöс котыртан да нуöдан материальяс тöд вылö босьтöмөн.